

明
詩
紀
事

明詩紀事

貴陽陳田輯

目錄

鄭善夫 三十一首

善夫字繼之閩人弘治乙丑進士除戶部主事改禮部以諫南巡杖闕下尋乞歸用薦起南刑部郎中改吏部有少谷山人集二十五卷

國寶新編繼之氣秀巖谷發情聲詩雖才韻弗充而古色精言高映霞表飄飄然有道遙遠舉之志藝苑厄言鄭繼之詩如黃河水棧石嶺天骨繼之初不識王儀封廷相作漫興詩有云海內談詩王子衡春風坐遍魯諸生後鄭卒王始知之爲位而哭走使千里致奠爲經紀其喪仍刻其遺文人之愛名也如此

藝圃擷餘鄭善夫氣骨棱棱差堪旗鼓中原

國雅繼之才賦英邁往往有新語

鄧原岳西樓集先生詩以氣格為主以悲壯為宗古

詩樂府原模魏下及六朝歌行近體抵掌少陵絕句

翻翻有青蓮之致書法尤入神真行斟酌聖教狂草

奔放縱橫爛漫顛素而下弗論也間又創意點染花

草叢篠怪石得象外趣

鄧原岳閣詩正聲洪永之間專譚興趣則林膳部王

典籍名其家弘正之時氣格為宗則鄭吏部擅其譽

談藝集繼之沈鬱之思慷慨之詞如蒼松挺秀古梅

含芬

焦竑筆乘子家有善夫批點杜詩其指摘疵類不遺

餘力然實子美之知已餘之議論雖多直激揚之見

耳嘗記其數則一云詩之妙處正在不必說到盡不

必寫到真而其欲說欲寫者自宛然可想雖可想而

又不可道斯得風人之旨杜公往往要到真處盡處

所以失之一云長篇沈著頓挫指事陳情有根節骨

格此杜老獨擅之能唐人皆出其下然正不以此為

貴但此可以為難而已宋人學之往往以文為詩雅道

大壞由杜老啟之也一云杜陵只欲脫去唐人工麗

之體而獨占高格蓋意在自成一家不肯隨場作劇

也如孟詩云當杯已入手歌妓莫停聲便自風度視

玉佩仍當歌不啻霄壤矣此詩終以興致為宗而氣

格反爲病也善夫之詩本出子美而其持論如此正

子瞻所謂知其所長而又知其微者也

列朝詩集林尚書貞恆撰福州志刺少谷詩專做杜

時廉天寶地遠拾遺以爲無病而呻吟以爲臣子者必

政觀之視天寶何如猶曰無病呻吟則爲臣子者必

將請東封頌巡狩而後可乎甚矣尙書之偵也

徐燧晉安風雅正嘉之際鄭吏部善夫寔執牛耳虎

視中原而高傳二山人左提右絜閩中雅道遂曰中

興華精鄭繼之野興詩末云年來混迹漁樵下況有銅

鞮伯氏風用春秋晉叔向兄銅鞮伯華事耳向見鄭

詩刻本疑用白銅鞮故事改曰習氏不惟失作者本

意而於題目句法不相符矣

閩小紀鄭善夫嘗雪中遊天台美髯白哲毛褐筇與

戒從者勿言姓名人以爲神仙甚傳郡中太守顧璘

聞之曰此必吾繼之亟使人要之善夫答以詩云客

有飄飄者聞來湖海遊雲端尋雁宕雪裏過台州白

業藏賢達浮槎近斗牛豐干漫餓舌太守是閩邱

堅瓠集鄭少谷上泰陵詩云苦憶焚香賜第日朝恩

真愧儕時才蓋泰陵乙丑科宮中焚香祝天願得賢

才以輔太平故云

明詩選陳卧子曰繼之雅質故鋪敘之言獨長

池北偶談宋明以來詩人學杜子美者多矣予謂子瞻得杜氣魯直得杜意獻吉得杜體鄭繼之得杜骨龍性堂詩話吾郡林子羽鄭繼之咸工七律子羽刻意三唐已造堂與繼之髣髴工部幾奪神骨潘德輿養一齋詩話鄭少谷古厚鬱轡七子外別樹一幟

古意二首

蓬門霜雪繁玉顏苦禁當稍識春風面春風轉斷腸
寶鏡皎如月價值千黃金偏照可憐色不照可憐心

登靈居山

搽奇頓欲改禹穴未得傍忽慕麥斜殿玄境足佳況連峰削
芙蓉石門天下壯簷簷復修纖天聲落屏嶂雲居獨奇絕遐

思愈飛颺以茲發高蹤力欲排雲上百息經嶮巖一眺極沈
沸鵝鸞稅仙驂芝蓀洗凡狀試按山海圖一一皆不妄雖然
羸瘵成已過平生望應悲蜉居子兀兀坐盆盎吾將從盧敖
直與雲霧抗西凌崑崙風東薄滄海浪前期邈悠悠捫膺以
惆悵

龍溪

志士樂巖棲巖前幽鳥啼長風吹瀑布飛過白龍溪祇道桃
花發桃源處處迷

陪王中丞夜遊治平期到上方不果

湖上興不極復治東山具執策入治平繁霜溼衣屐山僧不
好客高卧闔庭戶清商動木末靜聽不知處遙看上方勝子

夜發襟素情長事乃違咫尺不得據月落空歸來寒猿挂深樹

虎邱懷古

戢戢虎邱山盤盤闔閭墳墳頭闕古蹟劒池三千春蛟龍山中藏白日嘯煙雲圖王事已空萬骨成灰塵湛盧南入楚神物焉能馴不必賣薪女王氣已湮淪

桃源行

黃河水盡蛟龍馴桃源沙飛愁殺人東方亂後再反覆憶昔過此增煩辛扁舟困頓不得攜賊濠只在河東西路官邑子微服走大屋高門狹獍啼到今事定還是非請問流民歸未歸

畫山水引

天風盤松翠蛟吼白浪浮山蒼兕走月落未落光射空道人
夢在滄州東雲冠雪皚烏皮几皓首相從只黃綸我亦天台
採藥師爲君更託蓬萊水

登七十二峯閣歌

吾聞太湖東注三千水乾坤納納幾萬里東西洞庭天際起
七十二峯如聚蟻青天白日飛雪雨兵塵慘慘滿人間故國
何處愁路難五湖多風不可渡入山魑魅相依附若爲化作
鴻冥冥南向峯頭結煙霧終焉身重飛不得展轉湖邊倚高
閣湖昏閣靜百感集悵望毛公謝烏鵲嵩高西去尋靈藥

大游篇贈高宗呂

登山須騎五色羊
涉水須泛無倪航
一身之小四海遠
紅光瞥影明煌煌
年少離居歷寒暑
孤鳳冥鴻自高舉
東封碣石入羅浮
十洲山水猶能數
世人未斷區中緣
頑腹無腸萬愁貯
炎趨蜚利赴火蛾
戀食癡鴉嚇腐鼠
吁嗟乎吾求此輩無
其曹儻然六合解
天弢上乘瀨氣懷
宇高丹山碧水相
週遭仰天大笑秋
蕭騷九州熱客從
滔滔高生高生縱
遊遨

觀雁宕龍湫

瀑布飛不徹
大聲空谷哀
青山下河漢
白日莽風雷
潭穩蛟龍定
歲深鴻雁來
方巖倚天畔
吾志在崔嵬

大田篇

禁直三千士
長褰鎮國旗
甲戈迷塞月
綰帛款胡兒
大禮初

回蹕春原更打圍後車載光寵不數漢昭儀

送林以乘謫夷陵

宜都三峽口遷客意如何落日黃陵廟秋風駭浪多巴蠻伐
鼓祭江女踏蹶歌莫唱渝州曲猿聲近汨羅

問宗林

昔遊湖上寺猶祀釋宗林語我菩提樹恆河深復深風沙晚
識面江海後知音白鶴翩翩去青天何處尋

十日對酒姚氏園

病跨山公馬秋過習氏池遠天鴻雁盡昨日菊花期暮局翻
相惱鷗羣總不疑生涯抱甕外一任隱君爲

城戌

戍鼓長鳴夜軍容更入朝北風塵漠漠南討意迢迢祇有蒼
梧狩能無黃澤謠還方盡玉帛八駿自應驕

宿歸雲菴

澤國變元氣名山留晚芳雲藏伏虎寺花近挂瓢堂鷺鶴飛
騰遠涵樵言笑長沈浪達者事散地卽慈航

宿勝果寺

遊吳復適越漫宿贊公房小隱薜蘿密大觀江海長鉢龍蟠
夜壑雲箋語秋堂稍覺菩提長森森松楸涼

九日方山登高

方山五片石巉巖七千尋氣象恆嵩敞風雲歲月深百年大
夢寐九日此登臨顛卽紅塵累岩棲長道心

早秋懷晉安諸子

搖落菱湖晚湖邊
鷓鴣鳴秋風吹桂樹
一仁越王城榻有南
州重人兼衛玠清
還聞刷羽翮看爾共
悲聲

重遊大石次劉德義韻

幽事住雲泉湖光遠
接連寺鐘山意動松
雨澗聲懸石壁開
雲竇桃花隱洞天中
原尙多壘此地合逃
禪

雙雁

雙雁爲人得階前相
向鳴已辭關塞遠猶
帶網羅驚宦情一片
影客淚五更聲側目
疑秋隼風煙異性情

明如曲

明妃初出塞宛轉意
何窮上馬琵琶曲流
悲入漢宮自言妾

薄命萬里去和我今日靡蕪草青青向隴中

汎木蘭

木蘭山下陂水清南洋北洋風日晴慣乘舴艋中流穩頗愛
棠梨兩岸明石鹽沙隄回海勢鵠鵲鵲亂春聲漫向雲莊
望莆口更從壺頂看蒼嫺

至日長陵陪祀

長陵西接黃花寺白雪蒼巖夜色遙陰殿袞龍猶在目往時
松柏已干鬣纔聞一怒風塵起想見千官遷次朝悵極兩京
興廢事小山何意起漁樵

上妙高臺

雲海冥冥望不迴鯨波東蹴巨靈開中天樓閣虛無裏南國

風煙江漢來世短動經多事日愁長況上望京臺白門金鼓
維揚卒落日空傳黃竹哀

亭子

遲清亭子對羣峯地迴能招萬里風八月商聲疏病葉滿城
暝色起寒蛩身孤舊國翻成客世短長年是惱公擬把衰容
向山月嬋娟猶在亂雲中

武夷曲次晦翁棹歌

沙棠爲楫桂爲船紫嶂丹崖錦映川我是開元李居士鐵龍
吹散萬峯煙

赤城懷太白山人

天台歲月輕劉阮不見雲端雙玉簫知爾西湖卧風雪神遊

先到石梁橋

送人之鬱林

鬱林東下對扶桑黑霧沈山日暈黃
鷓鴣啼上桄榔樹一寸鄉心萬里長

蜀中歌

峽猿啼過下牢關雪嶺連天三百盤
錦官城外西遊客白日高歌行路難

張琦十三首

琦字君玉鄞人弘治己未進士除南大理評事歷寺
副寺正出爲興化知府進參政致仕有白齋竹里館

二集

見素集自齋詩疏宕孤絕如峻嶺激流景出象外雖
雜備眾體而收功實山山谷甯川一派今流明州矣
藝苑卮言張君玉詩如夜蛙鳴露自極聲致然不脫
淤泥中
而土著舊集先生詩吐吐山川驅使雲鳥草木與一
時詞人絕不同
田按自齋詩如飲苦酒食諫果森森自有正味在李
何盛行時不可無此一體

乞王廷直山水歌

我詩未工不如畫王君工畫過我詩幽谷水遠草木際詩意
未到畫盡之十年懷才近禁藥天光映筆生神氣五日一日
得偃休門中清客揮不去如我老迂無所長愛君之畫不能
寐眼中有我常十分爲我用筆如用軍黑逼太陰晴作皞白
橫草樹青連雲尙恨窄幅如短裙未足展逕游無垠昔時韓
幹名善畫伯時老格眞其亞當年交遊最有人少陵山谷相

聲價千秋萬歲作者稀我詩頓覺無光輝何當生綃一片裹
致我詩句登元微

浴鳧軒爲封君林太守

小江曲湖莊門幽白石徑藤來不休有鳧飄然倦雲遊下與
魚鼈爭春流先生野情適相求鳧亦不去同沈浮汝羽修修
吾白頭人間日月如馳騁萬錢爲買木蘭舟千丈深潭下直
鉤海翁前身曾狎鷗與物並育物誰仇天隨鸕鷀尙機謀還
讓先生居上游

送翁長官分韻得樹字

江寒鳧鳴方念羣江頭艇子不肯住衆客臨江動愁色雲邊
直指象州路願君爲我立斯須高歌一曲白日暮海邦居人

曾未知東風已動桃柳樹

風雪圖歌

晚家西山傍老姥十月作雪天惡苦斗新翦茅成小屋只開
東窗閉北戶樹梢撲地落凍螭啾啾瓦崔吟朝飢禽蟲此時
若不利山客高齋今獨宜五斗秫米作酒釀阿娘來言勿沽
店鮮魚出冰黃玉光松火入突碧煙燄我笑袁公誠老迂雪
中僵卧如小夫復笑子猷好生事衣半擊漿依風蒲不如坐
對家人面酒酣高歌一曲還敲壺

越中盛水感事

短髮扁舟越水濱斜風亂雨夢中身四更水白先疑曉二月
山寒未受春新燕舊巢來有所孤村獨樹住無憐城隅零落

殘僧影猶似吳兵過後人

新正與朝用唱答用韻

海霞照屋曉光高春事關心睡不牢人到百年一過客吾當
十日九揮毫時名滿地忘消息諧謔隨宜散鬱陶料理東風
今有隼轉頭吹到使君袍

春懷

老夫饒白髮背立桃花樹寄書匡廬僧春山共來去

包氏東園

理蔓牽新綠疏泉放落紅敲門春午寂有客夏黃公

藥壠

地仙不愛穀種藥方橋右久雨不出門猶蒼大如手

直河

白草寒煙沒燒痕
鷓鴣飛處有柴門
直河莫道無關束
一曲河流抱幾村

偶成

半醒半醉倚繩牀
枕石江樓水氣涼
豆莢筍長瓜杵大
滿天秋興到南莊

閒居

山客敲門不肯應
青藤倚壁坐橫肱
秋懷萬里誰知我
天目孤雲雁宕僧

二月二日

江上輕雲覆戶低
杏花開好未黏泥
伯勞猶更嫌春淺
背坐

東風不肯啼

孫一元 三十七首

一元字太初自稱秦人或曰安化王孫或曰蜀人莫
得其詳也有太白山人漫藥八卷

四庫總目王世貞題孫一元墓詩云死不必孫與子生
不必父與祖突作憑陵千古人依然寂寞一抔土蓋
其縱迹詭異當時卽莫之詳也嘗棲太白之巖故稱
太白山人又嘗西入華南入衡東登岳又南入吳與
劉麟吳琬陸龍覓稱茗溪五隱一元才地超軼其
詩排奡淩厲往往多悲壯激越之音靜志居詩話謂
其癖香在黃庭堅體格固略相近然庭堅之詩沈思
研練而入故蠅擊嘯強之勢多一元之詩軒豁披瀝
而出故淋漓豪宕之氣盛其意境亦小殊也
國寶新編太初風儀秀朗蹤迹奇譎玄巾白袷混游
貴賤常以鐵笛鶴瓢自隨遇所會心輒一傾倒蓋隱
淪之高逸性好吟詩初談導引人疑其仙晚娶婚娶
入司空劉公湖詩雅祖詩辭備極苦心所乏天才也
空同集太白山人善詩有超逸才亦多爲忿激悲壯

之音

少谷集太初詩悲壯奇嘯感奮激發而卒澤以冲和

劉麟清惠集太初爲詩先氣格有剗刺胃腎之功

殷雲霄石川集太白山人詩喜爲盛唐人音節凡感

佚思作可喜可愕可悲可噴一以寓之發之以豪縱

恣肆時出入雅經

方豪業陵集山人以其雄壯渾厚之資肆之以詭怪

佳麗之觀若甘和白采之台美故其詩往往爲人所

傳

藝苑卮言孫太初詩如雪夜偏師間道入蔡又如鳴

蜩伏蛸聲振月露體滯泥壤太初玉立美髯風神俊

邁嘗寓居武林費文憲罷相東歸訪之值其書寢孫

故卧不起久之少師坐盆恭孫乃出又了不謝送之

及門第矯首東望曰海上碧雲起遂接赤城大奇大

奇文憲出謂取者曰吾一生未嘗見此人

樓谿集太白詩秀潔而出塵

國雅太白山人清趣逸頗擅詩名曾寓先公蓉湖

別墅時與殷靖江遊夫游先公每論其高致浪游西

湖菰溪間一時名士咸欽其風其佳句有山根晴亦

濕湖氣夜難昏長天遺水積霧帶巖屏僧歸虹外

雨雲抱水邊樓浪花迎棹尾山影上人衣清流槲石

髮遠霧著山巾酒醒燈暈裡秋隱葉聲邊又百年知

已長錢在萬事無心北杖間遠江天入星河濕高木
谿回風露稀嚴儀卿曰詩有別才非關書也詩有別
趣非開理也豈不然哉大都孫詩五言得孟襄陽幽
處七言得張句曲曠處遂致巡庭懸絕
明詩選陳卧子曰山人詭迹塵外清放自居故有俊
調而鮮深思終近淺俗
田按山人詩激宕處亦是摹杜而練句練字時出入
於王摩詰孟襄陽岑嘉州諸公間長歌氣魄稍弱律
絕固是一
時之秀

班婕妤好

紈扇歌初歇開簾草又新如何雙燕子占斷六宮春

題梅花贈太守黃子和

使君作郡滄州邊我曾一見神脩然長髯方瞳有仙骨種梅
猶記羅浮巔瓊盤鐵曲一萬木茅屋正在春風前寒姿自照
日杲杲白鶴下叫青溪烟我歸管領君勿喚采花拾寶還候

君

致道觀看七星檜樹歌

海虞山前突兀見古檜眼中氣勢相盤拏上應七耀分布有
神會地靈千歲儲精華皴皮無文盡剝落老根化石吞泥沙
據山崑崙暎壑嶺舒身枯溜雨枝黑藏蛇伫立頃刻雲霧遮
日落未落山之厓同行觀者皆嘆嗟舌捫頸縮無敢譁歸來
靈物不可究夜宿撼牀恐龍鬬

吳偉瀑布圖

何人畫此瀑布圖巔厓老樹雲模糊風前披拂伫玩久筆力
乃是江夏吳吳生當世名第一揮毫落紙人莫及骨格老硬
神氣清飛濤激石石欲立懸岩遠勢亦可愛直瀉似是廬山

派榭葉瑟瑟天風來晴沙碧嶼蒼茫外美人隔水把瑤草鴈
雁雙飛鵲鵲小天寒日暮意無極青石漠漠望中杳我生蹤
迹眞好奇年來遠結滄洲期眼中見此足幽賞分泉煮石聊
自怡

效孟浩然

春水長蘭若春鷗來復饒雲光欲到地江色滌相搖濁酒同
漁父輕風動野袍峴山斜照裡歸去趁鳴橈

癸酉六月望夜同施邦直棹舟西湖歷六橋抵望湖亭
乘月登孤山拜和靖處士墓

向晚南屏路相攜上釣船山根晴亦濕湖面夜難昏月色留
吹笛鷗羣迴洗樽來尋林處士地下有知言

幽居雜興

歸卧茅檐下讀書終愛貧鶯聲十年事草色滿城春道喪悲
浮俗情高夢古人眼前君莫問吾與酒杯親

贈顧華玉謫全州

桂嶺經行處泉聲日夜潺飛蛇晴挂樹毒霧晝沈山去國鳴
孤楫傳詩到百蠻柳侯讀書處遺像沅湘間

避寇吳興山中

日暮漁樵散山空河漢明柝聲悲永夜戎馬閉孤城去國美
人盡感時黃葉生酒杯徒自好極目一沾纓

西湖

十里山如拭西湖背郭流僧歸虹外雨雲抱水邊樓春事多

蓬醉歌聲半是愁獨憐垂釣者吾欲共滄洲

秋夜不寐

造物終難料夜長耿不眠酒醒燈暈裡秋墜葉聲邊益益乾
坤夢溪山藜莧綠平生陳正字死不受人憐

荆溪道中

樹夾蒼崖立遙遙溪路微浪花迎棹尾山影上人衣飢鵲鳴
將下頽雲凍不飛還尋舊遊處日暮漁樵稀

幽居

自得窮通理幽居不誤身清流梳石髮遠霧著山巾竹上僧
留偈庭前鶴近人科頭坐終日吾自愛吾真

山寺對雪

寒入山中寺今晨雪意遙清樽留客過野興對僧濃別渚迷
鷗影深林印虎踪此時誰會我倚杖立高松

獨往

無媒幽徑迴笑語領東風遠燒撓新綠寒花動小紅野情繫
杖底詩句酒杯中一路春相候何人識化工

僧明秀東林別業

結屋東林下市鑒迴不聞疏花寒照雨老樹腹巢雲摩詰元
非病懶殘不忌葷茆檐兀坐處萬物自芸芸

石林

亂石生寒靄殘林帶晚曦松涼供睡穩山靜與詩宜入洞隨
猿跡登崖割蜜脾謁來天壤內此地可棲遲

失鶴六首 錄二

只在秋江上孤蹤竟所之花間扶杖處竹外聽泉時野客來
玄圃山僧寄紫芝此時還憶汝伴我夜吟詩

只在秋江上煙霞幾萬重階前留翬羽苔面想行蹤雲影忽
傍水月明猶在松此時還憶汝跨我出樊籠

閱元衢歐餘漫錄孫太初寓武林南屏山嘗蓄一鶴
自隨與給事杞泉子善許為置田三畝歲輸粟於萬
峰深處以充鶴糧而作券子之曰太白山人鶴田在
九杞山書院之陽倚山面湖左林右涂廣縱百步計
歲入粟三百有奇以其奇為道里費而歸其成數於
杭之西湖南屏山歉歲則汰其半以主人潤筆金取
盈焉佃之者主人之鄰某輸之者主人之僕某董之
者主人之弟某主人謂誰山人之友杞泉子許合仲
甫也後太初開籠調鶴飛去迺用唐人想伊只在秋
江上之句首尾作詩六律兩人風趣雖林君復亦當
欣讓山人之詩人習知之許公之券
世罕知也余故備錄以爲士林閑話

寄顧台州華玉

使君有道氣爲政亦山中坐見桃花色青林度遠風才堪一世用官與衆人同飢食酉溪椽長歌興不窮

贈黃得之

我愛黃江夏雲山夙有期風流懷上世瀟灑有清詩笑拾滄江月行歌青桂枝嵇康得石髓王烈許從師

久雨書悶

窮日閉茅屋雨深境更清檐眉上行蟻牆角卧空罌時序了長句生涯終短檠回風搏曠野新水漲柴荆入夢暮雲碧懷人秋蘚生荒雞啼遠戍山鬼嘯空城袞袞風難定悠悠事屢更關河成阻越盜賊正縱橫看劍哀歌咽卮杯意氣傾紀綱

須汝黯疎疏憶匡衡十載居南服同時笑北僮
鷺雛飢欲死汗血老無名極目煙波闊回頭布褐輕
誓將一竿去吾欲弄滄瀛

卜居東甘泉山人

歲晚卜居草堂靜長日冥坐人迹稀梅花不開凍雲合雪片
忽墮山鵲飛春杯到手何意味江風隔岸吹客衣歸來道路
不須問雲谷丈人還可依

山居著野服

道人占斷南屏景十里青山帶郭斜對水柴門通鶴渚隔鄰
烟火是漁家岳頭老檜占風雨石上昌陽圓歲華糕點太平
還著我棕屨桐帽送生涯

贈鶴并引

殷近夫養二鶴每予至輒相對舞愛而作詩贈之
爲愛使君雙鶴舞杖藜相過水雲鄉入門瘦影當窗見隔樹
閒行共我長碧海青天憐昨夢朱琴瑤月闌圓吭他年結屋
羅浮上萬樹梅花待汝翔

癸酉中秋同吳興淩時東海昌董子言陳川明西湖玩
月爛醉歌此

十里蒹葭雨乍收西湖一望月光浮野袍白幘同幽事菰米
蓮房作好秋波靜龜龍聽醉語夜涼河漢帶漁舟高情盡在
形骸外不用逢人說勝遊

贈徐廷應

老翁白首負奇好來往江湖稱地仙野鷺沙鷗各解事青蓮
紫鰲甯論錢月明滿地夜呼酒山色半帆秋放船偶過海門
訪獻父相逢各誦雲煙篇

種竹

種竹荒岡手記曾滿林蒼翠盡騰凌遙連野水青無間斜歷
秋雲冷不勝慣覓漁竿防稚子祇分拄杖與山僧黃陵歌罷
無人利明月闌干只自凭

至日攜榼登道場山

瞥眼風塵歲屢遷椒盤柏酒自留連平生作計閒爲上到處
論交山最賢好句忽成黃葉寺小舟漫倚白鷗天松聲泉語
無人會獨坐當頭意已傳

四漢詩話孫太曰到虛論交山最賢以山爲賢蓋有
有所祖周禮曰輪人五分其轂之長去一以爲賢禮
記曰某賢於某若干純謝靈運曰豈於名利之場而
賢於清曠之域哉唐太宗曰李勣守并州突厥不敢
南賢於長城遠矣

衡門

投老衡門不用名閒雲時伴一身輕牀頭酒盡春剛去座止
山青詩又成淺水短蒲蛙閣閣澹烟修竹月盈盈憑誰爲問
天隨子藥草新生較幾莖

解衣

解衣坐漁梁水風來許許月明不見人幽篁自相語

息游所

枕簟對青山琴樽事幽暇日夕冥坐餘庭除雙鳥下

秋夜

道人宴坐起推窗時一吟白鶴忽不見月明秋滿林

席上偶成

楊花燕子弄春柔醉倚簾櫳笑未休依舊清風明月好買船
吹笛過滄洲

竹莊

小築閒莊枕水潄繞牆種竹已森森亂紅吹盡春無幾借看
君家秋一林

西湖

十里飛花送酒厄六橋兒女踴春詞無人會得漁翁意獨立
晴湖照影時

嘗吳中橘酒巖成

大觥落手流香新醪醺葡萄渾失真祇應常在句吳佳要與
木奴作主人

明詩紀事

貴陽陳田輯

五

顧璘二十四首

璘字華玉先世吳人徙上元弘治丙辰進士授廣平
知縣入爲南吏部主事進郎中出知開封府降全州
知州歷台州知府浙江左參政山西江西按察使浙
江布政使輟都察院右副都御史巡撫山西乞終養
忤旨落職尋起巡撫湖廣遷刑部右侍郎改吏部再
改工部晉尙書督顯陵工竣還朝改南刑部尙書有
浮湘山中憑几歸田息園緩慟諸集

四庫總目璘集遠挹晉安之波近驂信陽之乘在正嘉

間不失為第二流之首也

甫山集東橋居士詩矩矱唐人而劉棻陳炯時出奇

峭

藝苑卮言顧華玉詩如春原盡花蕊靡不少

四友齋叢說顧尚書東橋好客其坐上常滿又喜談

詩余嘗在坐聞其言曰李空同言作詩必須學杜詩

至杜子美如至圓不能加規至方不能加矩矣此亦

同之過言也夫規矩方圓之至故匠者皆用之杜亦

在規矩中耳若說必學杜則是學某匠何得就以

子美為規矩耶何大復所謂舍筏登岸亦是欺人

金陵瑣事顧東橋公鎮楚三司請遊黃鶴樓先磨一

石飲後乞公留詩東橋在與中已得雲荒傳崔灝舊題

遂援筆書石上云黃鶴仙人身姓隨空傳崔灝舊題

詩雲荒赤壁周瑜壘江繞青山夏禹祠浮世古今堪

灑淚高樓今古幾銜厄天寒月白孤鴻遠徙倚闌干

送日遲三司皆服其工

國雅顧司寇體裁變創工於發端斐然盛明之羽翼

也如絳句謝賓客春草當門生鹿飲紅泉細暖啼翠

壁重綠樹邀行騎青山擁寺門足使交通變色彥升

失步

明詩選陳卧子曰華玉才調警麗但風格未高

列朝詩集華玉少負才名舉進士師自免歸與陳侍
講沂王太僕韋肆力爲詩文時稱金陵三俊官留曹
六年學益有聞所與游若李獻吉何大復徐昌穀相
與頡頏上下聲名藉甚詩才情爛然格不必盡古而
以風調勝延接勝流如恐不及詔修承天大志聘楚
名士屏棄者王廷陳王格顏木分任之書成不稱旨
士論以此益附之晚歲家居文譽藉盛又居都會之
地希風問業者戶屢恆滿構息園治率舍數十間以
待四方之客客至如歸命觴染翰留連浹歲無倦色
卽寸長曲技必與周旋款曲意盡而後去喜設客每
張燕必用教坊樂工以琴瑟佐觴最喜小樂工楊彬
常託客曰蔣南冶詩所謂清得楊郎一曲歌者也正
奏樂時每發一談則樂聲中閱談竟樂復作議論英
發音吐如鐘每一發端聽者傾坐咸以爲一代之偉
人處承平全盛之世享園林鐘鼓之樂江左風流迄今猶稱爲領袖也

靈隱寺

水泛趣已縣山行路仍窮迤邐經層巒花宮冠林杪峭壁倚
青霄下映樓觀小屋傾樹孤撐亭遠泉重綴蕭條僧氣閒肅

穆人聲悄來遊屬秋暮蕉葉青嫋嫋入室薰名香愁澗狎幽
鳥願瞻桃源幽捐佩苦不早詠茅儻吾遂庶離塵中擾

桐廬江行寄江僉憲一夔

曉發富春渚暮望桐廬宿江空寒水淨岸轉雲峯豔孤帆緬
逶迤薄景願爲目渺渺沙際村浮煙靄叢木垂巖杞菊斑覆
隴禾黍熟茲方靜無虞生理見耕牧高賢泣行臺敷政況清
肅沈憂正浩蕩且用慰心曲

問灌人云有柳子厚遺跡因策馬往尋歷大源塢入仙
源洞不得其處而返

柳侯昔放逐頗好山水事觀其著文詞動以喻來世逮今歲
月改陵谷莽遷異我行徂灌川聞有招隱地懷賢慰遐思弔

古積幽思塵館休吏衙秋原散遊騎度嶺疲登頓涉溪苦沾
積空潭激哀流古木墮餘翠窮搜盡陽景屢剔斷碑字豈無
會心觀往往悖圖志興盡且須返聊以展幽致

宿于光

籠鵠誠譎誕斗酒亦頗狂談言雖微中滑稽令人傷不如鬼
谷子默默能深藏

蕉石亭

怪石如筆格上植蕉葉青蒼然太古色得爾增娉婷欲攜一
斗墨葉底書黃庭拂拭坐盤薄風雨秋冥冥

春日行

漢家三十六離宮桃花樹樹搖春風武皇當年正好武天馬

七尺如飛龍清晨蹢躅過新市薄暮鳴鞘入禁中中人盡戴
鵝鵠冠猛士半坐黃金鞍彎弓向雲仰射雁一發兩禽皆道
難大官賜酒殢磔獸一春擊盡千肥牛撞鐘伐鼓獻奇舞燈
前變幻魚龍浮宮門沈沈金鑰收明月挂在城西樓東方漸
高復來遊

挂劍圖

延陵公子有道者義氣千秋動華夏去時寶劍心許君死後
仍來懸墓下白日青天一片心豈因生死惜千金寄言反覆
輕薄子三步腹痛休哀吟

鄒平王寫竹爲羅子文賦

寫竹貴神不貴色畫師俗筆難爲力古來能事自天成蕭郎

文老何由得國朝作者夏奉常祇今僅見鄒平王金殿畫閒
一揮灑遂令緋素移瀟湘兗州太守得眞迹草堂白日寒雲
積風葉當軒簌簌鳴霜柯倚座森森碧清泉怪石映帶成卽
恐春筍驚雷生炎天對坐毛骨爽便欲掉臂林中行嗚呼絕
藝不可遇千金競買珊瑚樹君不見寒士土木形適道時逢
貴人怒

次孟侍御醉何舍人仲默見寄之作

京洛何平叔傳詩動我哀同時座上侶共向嶺南來暮笛梅
花落秋醅竹葉開相期不相見悵望碧梧臺

會稽雜咏同周觀察作

春草孤舟遠春波百頃開鏡湖猶在眼賀監不重來酒換金

龍去身辭玉署同文章真小技跌宕見高懷

花萼寺宋徽宗出家處

古佛祇園苑前朝帝子居龜龍纏石碣虎豹守松牖塵海波
翻覆入天事有無想臨煩惱障應悔就金輿

市上懷古

漢祖還鄉歌大風高臺提劍氣成虹關西父老三章約垓下
河山百戰功祇見枌榆生故社屢聞雞犬變新豐經過又是
高陽侶醉折桃花薦酒紅

龍湫

龍湫之水從何來崑崙倒注青天回絕壁風吹動高練暗潭
石轉喧晴雷終年野僧對閉戶暇日老翁來洗杯酒酣且去

莫狼藉玄猿瞰客嘯聲哀

晚投高樓寺讀石沙王侍御詩愛其奇戲擬四韻

乘春問俗行何遠望奇停車興亦奇
激澗水喧高下石晚林
鴉競後先枝崑藏峭閣鳴鐘隱雨溼涼雲出樹遲
一漾江南風景好踏青難共美人期

出靖州

黃鶴秋雲已隔年五溪春色異風煙
池心濺墨生蝌蚪花血
流紅綻杜鵑孤負江南桃菜會了還天外挂弓緣
比來溼病全拋酒且喜家貧省秬田

松陽草堂新成雜興

一首

野日遲遲陰更晴山人睡起絮袍輕
松梢宿露因風墮草際

浮雲傍水生一壑無多堪獨往百年強半復何營神仙服食
長相誤不如清草對客傾

郭外新移野老家舊書猶載兩牛車樽空北海虛耽酒地薄
東陵漫種瓜小徑衝門分野竹短籬臨水透溪花優游行樂
元無盡落魄浮生詎有涯

擬宮怨

四首

水殿夫容隱暗霜夜臨新月自焚香窗間畫扇含秋思帳裏
華燈隔夜光四壁椒塗花靄散六宮蓮漏水聲長君恩未必
緣歌舞無那昭陽掌上狂

翠靨金蟬入帝家擬將新寵屬鉛華君王自信圖中貌靜女
虛迎夢裡車帳殿秋陰生角枕麝廊空響應琵琶含情獨倚

朱闌暮滿院微風動落花

漢皇宮殿月明時曾侍宸遊百子池
舞馬登牀春進酒盤龍
銜燭夜觀碁御前卻輦言無忌
衆裏當熊死不辭舊恨飄零
同落葉春風空繞萬年枝

不見彤墀日月旂庭隅草木掩清輝
金輿到處無新舊玉貌
從來有是非暮雨樓臺雙燕入
春寒池館百花稀監宮一去
無人語獨自含顰咏綠衣

庚辰元日

諸侯玉帛會長安天子旌旗下楚關
共想元正趨紫殿翻勞
邊將從金鞍滄江飲馬波先靜
黃竹回鑾雪未乾北極巍巍
天咫尺五雲長護鳳樓寒

明詩選李舒章曰此爲武皇南巡也隱詞中有寶錄
謂甯王已獲而御駕不歸耳

葉澄畫

古琴彈古調今人誰愛聞獨往山中去因聲寄白雲

擬夏日宮中行樂詞

玉面朱唇映月明影娥池畔繞花行夫容不耐凋殘色祇恐
新涼一夜生

陳沂三首

沂字魯南先世鄞人徙上元正德丁丑進士改庶吉
士授編修遷侍講出爲江西參議遷山東參政改山
西行太僕卿有遂初齋拘墟館二集

國雅陳魯南才與顧華玉王欽佩並稱如烏鵲林葉
暗山影石溪寒照燈動星月轉梵起魚龍漏轉雲車

急花深月殿開鵲觀月華還映雪龍池水色已含春
恍乎臨蓬山而俯瞰閭閻深遠鬱然
金陵瑣事陳魯南書法蘇眉山評者謂不減於吳魏
庵篆隸亦佳六七歲便嫺筆模倣古人畫後入翰林
與文徵仲講論其畫更進凡官游所歷覽名山大川
皆圖成卷軸最得馬河中夏禹王之妙
列朝詩集魯南論詩專以唐人爲宗謂少陵七言聲
洪氣正格高意美非小家粧飾但才大不拘後學茫
昧特拾其龕耳於時大江南北文士稱朱顧陳王四
家朱顧皆羽翼北地共立壇壝而魯南能另出手眼
訟言一時學杜之傲欽佩亦與之同調江左風流至
今未墜則二君蓋有力焉
田拔魯南論詩鍼砭北地之失可謂談言微中但其
所作去北地乃不可以道里計牧齋援魯南以攻北
地譬如挾邾莒小國以抗
齊楚多見其不知量也

正旦卽事

帝輦時巡久未回
天門遙拜重徘徊
封箋自向慈宮進
方貢還同異國來
春轉青旂開羽仗
日臨金榜上樓臺
帷城尙在

燕山外誰獻正元萬壽杯

武皇上賓同百官哭臨於思善門外

帝寢重扉寂寞開鼎湖龍去可能回芙蓉內殿初成後虎豹
離宮不再來三月麻衣明曉雪萬聲號動隱春雷巡遊幸返
蒼梧轡供奉猶存玉几哀

宸濠廢宮

章水故宮何處是幾株衰柳亦從遮金書葬地無劉渚玉樹
歌聲有麗華秋日放鷹荒草陌春風飛燕野人家諸公臺省
多休暇每憶當時一歎嗟

王韋一首

韋字欽佩上元人弘治乙丑進士選庶吉士授南吏

部主事改兵部遷禮部郎中出爲河南提學副使進
南太僕少卿有南原集七卷

國寶新編少卿論詩專尙才情其言曰唐風旣成詩
自爲格不與雅頌同趣漢魏變於雅頌唐體沿於國
風雅言多盡風詞則微今以雅文爲近未嘗不流於
宋也故其詩婉麗多致俚味難窮
藝苑卮言王欽佩如小兒女簪花學作輕麗
田按王欽佩陳魯南皆善於持論而詩不盡工

閣試春陰詩

皇都二月春正深東風醺煖淑氣侵曙光溟濛露華滿輕雲
閣日天沈沈野色垂垂十餘里草綠柔陰低迤邐半空落絮
濕未揚百丈游絲寒不起鵲鳩枝上相踏鳴若與此景偏多
情空庭簾捲晝亦暝隔牆惟見桃花明小院門閒鶯自語
棟泥香燕初乳苔花蒼潤上簾櫳濛濛經雨還未雨含情佇

立憑闌干遠峯漠漠登樓看碧空窈窕銀屏冷金帳促回翠
袖單檐影頻移喚雲動曲枕悠然醒午夢起來小步傍閒階
花霧襲衣寒氣重

金陵瑣事南原王韋秀才時夢中聞人誦詩云起來
小步傍闌干花霧襲衣寒氣重及開試庶吉士以春
陰爲題南原憶夢中語遂寫入詩中主試李公西涯
批二句有神助儲靜夫索南原詩看讀至小院門閒
鶯自語畫棟泥融燕初乳擊節嘆賞曰絕似溫李陸
儼山在坐曰分明王韋何止溫李蓋指姓名以戲之
也坐中皆笑

明詩紀事

貴陽陳田輯

丁鑑

伍旻一首

旻字時清清流人弘治己酉舉人官平度州訓導

筆精清流伍旻能詩如草根蛙鼓吹花底鳥笙歌閒
階秋掃葉荒徑晚挑蔬隔寺聞僧磬微燈認釣舟俱
清雋可喜

漁滄廟

漁滄之下潭水流漁滄之上雲悠悠行雲流水自今古荒城
故壘行人愁龍爲蛇兮鼠爲虎腥毛臭骨皆塵土遊魂寂寞
無所歸時傍寒蛩泣秋雨

錢福一首

福字與謙松江華亭人弘治庚戌第一人及第授翰

林修撰有鶴灘集六卷

四庫總目福少而穎悟詩文以敏捷見長故委巷鄙俚之詞率以歸之今觀是集實少俳諧之作知小說多附會也

田按修撰雖以敏捷見推然合格之作亦頗矜鍊

立春日齋居對雪

齋居何所作春雪是佳期淨入年華淺光含暝色遲鳴絃流
艷曲拂簡映新詩此夕山陰客扁舟興可知

元日早朝

暫遂鵷行覲紫宸九重仙樂奏芳辰龍樓高拱星河近鳳歷
初頒歲月新曙色漸分三殿曉鐘聲散入萬家春小臣共沐

恩波渥願效華封祝聖神

靳貴一首

貴字道充丹徒人弘治庚戌第三人及第授編修兼
司經局校書厯春坊右中允左諭德兼侍講進太常
少卿掌翰林院事擢禮部侍郎以忤劉瑾左遷光祿
寺卿尋復官改吏部進禮部尙書文淵閣大學士參
預機務改戶部進太子太保武英殿大學士贈太傅
諡文禧有戒菴集二十卷

靜志居詩話文福康陵舊學南巡時臨其喪命詞臣
撰祭文皆不稱旨御製一首云朕居東宮先生爲傅
朕登大寶先生爲輔朕今南遊先生已矣嗚呼哀哉
代言者嘆惜斂手

送蘭孝先還廣陵

正好論心又欲行江風不盡別離情十年交誼晏平仲一郡
才華馬長卿樹遶帆檣隔瓜渚天低睥睨見蕪城相思有意
君知否九曲亭前看月明

楊旦 一首

旦字晉叔建安人太師榮曾孫弘治庚戌進士授吏
部主事歷員外郎中遷太僕少卿改太常以忤劉瑾
謫温州知府遷浙江提學副使歷應天府丞順天府
尹擢禮部侍郎改戶部督京通倉出理餉甘肅進右
都御史總督兩廣軍務尋掌南院進南戶部尚書改
南吏部召拜吏部尚書未至勒致仕有惜陰小稿

田按三楊子孫尚書最爲通顯嘉靖初桂夢張璉以
議禮驟貴旦極言不可會吏部尚書喬宇罷召以旦

代未至爲給事中陳洸所劾勒致仕時議頗不直洸
旦在武城間致仕之召賦詩云北客忽傳新命下中
流急放一舟還浮名已謝雲霄上公道猶存天地間
老遣情懷聊藉酒閒攜杖屨卽登山應知此外無餘
事寂寂松陰晝掩關
具見恬淡之志云

白馬關

怪石巉巉水亂流柳勻新綠弄春柔滿陂芳草眠黃犢風景
居然似建州

鄭瓘二首

瓘字溫卿蘭谿人弘治庚戌進士授鄒平知縣改長
洲再改楚雄判官有蛙鳴集

田按溫卿詩任臆發抒不受模範蛙鳴集自序云蛙
水族之微也候至則不得不鳴候去則不得不止其
鳴其止蛙不得以自由亦不自知其故可謂善於自
喻其所藤詩云藤蔓傍樹生曲直善依附葉葉還枝

枝旦旦復暮暮遂忘異根株似謂得援助欣欣共陽
春濯濯同雨露始本相扶持今反生嫉妬日月被遮
隔乾坤受滓汙幾微失前知事極悲晚悟可
謂警切動人但集中如此者不可多得耳

舟中

嶺南病後驚歸晚連日舟行更逆風寂寞殘年猶是客蕭騷
短髮忽成翁晨光峭峭寒侵骨夜色沈沈雨打篷屈指於今
三十四可憐蹤迹漫西東

惜春

桃花飛盡李花飛過眼韶光春已非怪煞杜鵑情太薄聲聲
只道不如歸

童琥一首

琥字廷瑞蘭谿人弘治庚戌進士授刑部主事歷員

外郎中出爲江西按察副使有梅花集句和百詠梅花詩寫懷釣臺拾遺等集

題畫梅

野塘春煖水平鋪數點冰花映玉壺明月一簾詩思好東風吹夢過西湖

王統一首

統臨川人弘治庚戌進士官同知

謝家埠

卻卻孤帆野水涯黃塵撲面走輕車白沙翠竹不多路茅屋竹籬凡幾家山腳雲低烏帽沒樹梢風颭酒旗斜眼前景物供詩料獨有寒梅未肯花

林夔 一首

夔字元佐莆田人弘治庚戌進士官戶部員外

經趙邊地

地控龍荒險山連雁塞雄鼓笳秋月白榆柳晚霜紅九塞關
河限千秋頗牧功烽煙猶未淨長劍倚崆峒

劉愷 一首

愷字西臯保定新安人弘治庚戌進士授刑部主事
歷鴻臚寺卿擢副都御史總督漕運進兵部侍郎禮
部尙書有西臯集

題畫屏

山木風吟翠葉石壇月冷蒼苔一曲高山流水可人今夜誰

來

唐臣一首

臣字堯佐營山人弘治庚戌進士官兩淮鹽運使有

拙菴集

田按四川經籍志稱堯佐營山人費經虞蜀詩則以爲內江人余檢弘治題名碑錄蓋蜀詩誤也

道林寺

側徑榛蕪轉更高道林西寺入層霄龐眉道士曾相識流水

空山話六朝

梁粲一首

秦字弘宇南海人弘治壬子舉人

寄董宗輔

東江去悠悠送子孤行舟舟行復幾時江鄉生遠愁采采芙蓉花欲寄無蹇修念昔攜手好中情鬱紉繆商歌寄逸響素琴鳴芳洲無由慰離索一雁橫高秋

方垕一首

玘字世重莆田人弘治壬子舉人官南康通判

野泊

野泊傍沙洲更深微雨歇忽聞水鳥聲推篷見新月

張乾一首

乾字尙勤莆田人弘治壬子舉人除分宜教諭

蘆塘雜興

籬菊有佳色園禽多好音應嫌歸計晚白首始抽簪

何孟春 四首

孟春字子元郴州人弘治癸丑進士授兵部主事歷
員外郎中出爲河南參政擢太僕少卿進本寺卿以
右副都御史巡撫雲南遷南兵部侍郎召拜吏部侍
郎以議大禮出爲南工部侍郎尋削籍隆慶初贈禮
部尙書諡文簡有燕泉集十八卷

餘冬敘錄丁丑八月之夕夢侍涯翁坐翁拂箋欲書
題春檢詩稿髮髯記其一首二句云金花燦爛錦雲
香上界飛書到幾行因心動不暇再目而自續云風
雨忽驚吹面冷不教清夢看成章於是遂醒可異也
田按子元及西涯之門觀所著餘冬敘錄於西涯詩
話緒論娓娓不倦并夢中亦續西涯詩稿可謂服膺
不忘矣惟才力稍弱句調平易而學殖既深亦自遠
於俗調今所傳燕泉集十卷乃其六世孫惟文搜逸
輯錄觀餘冬敘錄所刊之詩
集不一見知非當日完帙也

賣亡奴

爾賤爲人奴吾與爾何負家貧食指單恃爾同耕耨長日無力作使令才左右胡無一旦問決策背吾走爾甯有高志衣食卽父母奴求免饑寒理不論好醜去我何所爲他人爾何有亡奴前致辭公責敢不受奴心切有懷不識所歸咎奴以農爲事自當力田畝奴以漁爲事自當持網筇置身牙儉間亦自知秤斗轉易得數錢自無虛井曰所恨日營營不容停腳手不如官人奴安坐得肉酒困思事主公豈意一無取饑寒僅能救往事俱落後主公性多防日夕在監糾辛苦自立名奴輩誰知某嗟奴言若此所望亦良厚爾當初來時是聽誰何誘奴職各有司惟臧獲爲偶在田漁市井事事不容苟

昔日王大夫買僮楊寡婦聽教千百端受笞十八九我雖無
贏餘已脫諸繭繅非分豈可希欲居豐殖藪豪強力不兼況
爾茲塵垢而敢生責望常懷乞漿酒家人務溫飽此事誰於
狃奴今有二心我杖可勝叩

與李憲副閱西行地圖見崑崙山

神仙非所慕吾亦到崑崙地脈應西極天容向午昏雪知何
代積山是此方尊漢使勞相問黃河豈有源

大司馬馬公生辰

氣完靈降嶽中甫定重生合代天工亮應逢帝運亨回淵須
砥柱程物必鈞衡經濟惟豪傑儀刑在老成四朝裨聖政羣
士聳官評道協風雲會功依日月明廟謨何慷慨風采極崢

嶸豸服欣初稱麟袍美晚榮詩人歌顯顯史氏表觥觥鼎足
平無頗葵心老更傾經筵深啟沃章奏極忠誠醫國三年艾
防邊萬里城職隆宮傅望權總夏官卿朔漠傳威令高班絕
抗行朱顏霞有暈華髮雪初盈金石盟將遍丹青貌已成龍
章凡幾煥花甲此時更短句非云頌聊申仰止情

漢宮柳

依依漢宮柳本不傷離別何事舉顰眉春來故愁絕

鄭岳
四首

岳字汝華莆田人弘治癸丑進士授戶部主事改刑
部歷員外出爲湖廣僉事遷廣西按察副使改廣東
歷江西按察使布政使以勘事被誣奪職爲民尋起

右副都御史巡撫江西召爲大理寺卿進兵部侍郎

有山齋集二十四卷

東南嶠外詩話汝華侍郎著有蒙難錄其稿本久佚
惟山齋集中有幽居書懷詩序云庶人宸濠久畜異
志子由泉轉藩我抑逆萌濠不能堪嗚同寮橫加誣
訐威賄上下文致其事逮繫踰年始得罷歸憂慮中
營作蒙難錄茲摘其概書之詩云咄咄日書空禍階
慨伊始蟻穴昔何微潰川浩無埃數至諒難違修身
以順俟明夷古所悲演易在羨里厲貞乃終吉齋心
悟玄理谿壑絕險巖千仞猶可窮人心如其面談笑
伏兵戎田灌平生交酒杯不相容魏其力解紛乃逆
遭禍凶往事昧明訓邇哉廉閣蹤
蘭陔詩話公在江西知宸濠有異志嘗作詩云吳淞
招死士密置滑澠間豈知眞將軍輕車出藍田逆節
竟斧鑕明鑑垂簡編其言果驗
田按汝華以勸李獻吉與巡按相訐事獻吉執汝華
親信吏言汝華子云受賕宸濠助之朝議遣大理卿
燕忠勘問兩斥之因罷爲民獻吉爲宸濠所助其曲
直不辨自明汝華非徒風骨嶽嶽亦留心鄉邦故事
其所輯莆陽文獻具有經緯五字詩亦有風韻

送何子元少宰改任南都

夏秋多雷雨沈陰翳晨光積潦斷衢塗欲濟苦無梁送子出
城園策馬登前岡回飏激流雲顛氣變清商憑高一舒眺天
宇何茫茫感茲物候異鬱鬱情內傷古稱楚多才弱冠已擅
場博學富文藻節操誠慨慷南望鍾山遙白雲懷帝鄉風露
日夕清蘭桂發幽芳與子結綢繆望望不得將平生契分深
白首相激昂浮榮久難恃萬世一何長願言保終始青簡諒
毋忘

和林汝儀招飲溪閣

旭日散林霏澄波銜山影離城纔幾許已覺非人境几杖松
塹幽雞犬柴門靜幸逢素心人高談白日永

幽居書懷

平生相傾慕會合意何敦
相期振頽靡撫父憫元元如何自
積猜枝葉傷同根川洛構黨禍善類鮮安存
王導仇伯仁千載抱煩冤古來同嘆息棄置復何言

蘭陔詩話此詩爲李獻吉作也公與獻吉同年進士
交好甚篤及爲獻吉所構待之如初觀此詩猶惓惓
不忘舊好後宸濠伏誅獻吉坐爲濠作陽春書院記
小蓬萊詩獄辭連及林見素力救之黃才伯有讀見
素救獻吉疏詩云憐才不是雲莊老愁殺中山獐後
狼中山狼傳乃馬東田所作以訾獻吉負康德涵者
朱錫鬯以爲康李未嘗際未然觀獻吉之擯公若此
其於德涵亦可知矣

古溪亭爲盧師陳進士題

晶晶湖光淨分流到石莊
鳥歸山色暝風送雨聲涼
秋水菜黃泚煙蘿華子岡
小詩供日課幽興一何長

秦金

一首

金字國聲無錫人弘治癸丑進士授戶部主事歷郎
中出爲河南副使遷參政歷山東布政使以右副都
御史巡撫湖廣入爲戶部侍郎改吏部擢南禮部尙
書就改兵部入爲戶部尙書乞歸起南戶部尙書召
拜工部尙書進太子少保太子太保再改南兵部卒

贈少保謚端敏有鳳山詩集十卷

碧山吟社志弘正間社會既輟之後司徒鳳山秦公
歸自留都邀二泉邵公心泉呂公惠巖顧公松閣顧
公構塘秦公石村陳山人結詩會山中亦以碧山名
社然止就諸公之別墅如二泉精舍鳳谷行窩惠巖
小築次第舉會蓋亦慕
修敬之風而一寄意焉

題復得竹茶爐卷

竹爐歡喜復歸禪一別山房五十年聲入松風還簸簸夢回
湘月共娟娟僧堂宿火無塵劫石檻清泉有淨緣莫怪眞公
招不返已將詩卷萬人傳

許天錫

四首

天錫字啟衷閩人弘治癸丑進士選庶吉士授吏科
給事中進工科都給事中上疏劾劉瑾遂自經將以

尸諫或曰瑾遣人殺之嘉靖中追賜祭葬有黃門稿

列朝詩集天錫在詞林以能詩爲李長沙所稱嘗題
詩車盤驛丹青閣上云青山當面似無路黃鶴出林
還有村鄭繼之題其後云風流不見許黃門文字丹
青閣尙存最憐佳句車盤驛黃鶴青山何處村
筆精許黃門正德中奉使安南於僧寮中得枯木一
片狀若山峯黃門厚酬主僧攜歸閩中自刻詩云萬
年木精化青牛瘦骨不朽沈江洲水急魚龍湫
神物始出隨回流玲瓏翠綠誰能收山僧得之溪峒

往歲

舊登荒僻遠絕賞鑒木爾翰晦誰怨尤洞江先生好
事者邈近願脫千金裘古今琴材出爨下拔爾幸免
爲人栖風塵雨谷借我老無復夢想仍丹邱巖久流
落士大夫家已百年不知賣惜棄之泥滓予友高景倩
博物好古遂乞以歸洗刷塵垢置之齋中名其齋木
山同社俱有詩紀其事然竟不知何木也
田按黃門稿中警句如居庸關云鐵騎連三戍金城
迫九關分水關云絕嶽愁飛鳥清潭落斷霓蒼梧聞
眺云越傳西連山似戟桂江東注水如苔晚至平南
云千里家山殘夢斷一川煙水暮愁生皆可誦也

皇華思往歲一騎入雲中
笛裏愁人月霜前落葉風
寒川洶戰骨野火燎秋空
問道河西寇今來欲向東

胡來

胡來青黍盡胡去幕南開
日落單于口秋生李牧臺
陰風吹殺氣戰骨蝕蒼苔
酒淚向千古斯人安在哉

憶江上草亭

每到芳春便憶歸。夢中江國舊斜暉。
渚邊舴艋有時放。沙上鷗鷺無數飛。
野興頓從官後減。封書更覺病來稀。
年華半百堪惆悵。長往山林意轉違。

題畫

三楚秋心萬里流。蕭蕭黃葉滿汀洲。
籜冠芒屨詩翁瘦。併作江南一片秋。

陳玉一首

玉字德卿沂州衛籍。本高郵人。弘治癸丑進士。選庶吉士。改監察御史。出爲浙江提學副使。改福建。歷應天府丞。右僉都御史。擢兵部侍郎。進南左都御史。贈

太子少保

喜雨上金郡刺

亂紅粘濕擁籬根，惻惻餘寒靜掩門。
疏雨人家寒食暮，暝煙天色杏花村。
西山淨洗新眉黛，東野青回舊燒痕。
政喜坡仙在吾郡，一亭虛敞對吟尊。

鄭汝美一首

汝美字希大，閩人。弘治癸丑進士，官戶部員外。

閨情

遠戍來何期，對人休自訴。早晚有佳音，鵲噪門前樹。

方璘一首

璘字文玉，莆田人。弘治癸丑進士，歷官雲南布政使。

有鑑湖集

二月

二月山城未見花，一江春水漫蒲芽。先生睡熟渾無事，閒詠

新詩送落霞。

姜芳 一首

芳字實夫，蘭谿人。弘治乙卯舉人，除廬陵教諭，遷大

理司務。

次董東湖韻

遙隔清江看九峯，白雲來往斷行蹤。跼蹐坐到無言處，雲本
無心我更慵。

明詩紀事

貴陽陳田

丁籤

許讚一首

讚字廷美靈寶人弘治丙辰進士授大名推官入爲御史改編修以忤劉瑾謫知臨淄縣瑾誅起浙江僉事進副使改山西提學副使歷四川參政按察使召拜光祿寺卿遷刑部侍郎進尙書改戶部吏部進少保兼太子太保少傅兼太子太傅文淵閣大學士參預機務卒贈少師諡文簡有松皋集二十六卷

田按文簡家門鼎盛予嘗過靈寶見路旁神道碑林立皆許氏也及檢史乃知襄毅許公以知兵通敏位

丁籤卷七

尚書襄毅入子三尚書太子太保諡太子太保論及
文簡也皆以甲科任事才敏見稱弇州別集錄宗門
盛事以福州之林靈寶之許爲稱首然襄毅遇劉瑾
以委蛇狗意不免削籍文簡遇分宜以柔和易制幸
躋台輔季世之
居通顯難矣哉

子夜歌

吳女采白苧行過芙蓉塘清波照紅粉花面兩相當

劉瑞二首

瑞字德符內江人弘治丙辰進士選庶吉士授檢討
以忤劉瑾除名瑾誅起浙江提學副使進南太僕少
卿就遷禮部侍郎卒贈尚書隆慶初追諡文肅有五
清先生集十八卷外臺集六卷

靜志居詩話王清先生正德丁丑以按察副使提督
浙江學政廣購經史子集發十一府儒學公牘備覽

每冊隸書於序尾鈴以關防今各府俱散佚人間子
每每見之惟湖州府學尚多存者予家所鈔施宿張
誤會稽二志乃其所儲本也公有五清先生集十八
卷又外臺集六卷訪之未獲也
田按何大復有送五清先生赴浙江提學歌云天台
文宿衝紫霄先生捧勅馳星軺越山桃李花萬樹春
色早渡錢塘潮憶昨先生遭斥逐漂泊湖湘望巴蜀
九江鴻雁春冥冥七澤龍蛇畫盤曲史稱劉瑾用事
瑞卽謝病貧不能還鄉依李充嗣於澧瑾榜瑞爲奸
黨此詩所謂斥逐漂泊紀其事也五清集世所罕見
予從全蜀藝文志
獲詩二首亟登之

東溪驛

登登山路高還下
穠穠香林淺又深
何處斜陽重回首
東溪
寥落百年心

全蜀藝文志東
溪先生書屋也

播南吟

水交臂裏有援哢聽罷令人思欲迷聞說近來多虎蹟行人
莫到夕陽西

劉麟四首

麟字元瑞本安仁人世爲南京廣洋衛千戶因家焉
弘治丙辰進士授刑部主事歷員外郎中出知紹興
府以忤劉瑾罷爲民瑾誅起知西安府歷陝西參政
雲南按察使謝病歸召拜太僕卿進右副都御史巡
撫保定再引疾歸起大理卿擢工部尙書勒致仕以
殿工追論落職卒贈太子少保諡清惠有集十二卷
四庫總目麟集長興朱鳳翔爲序稱其詩駁駁章杜未
免太過至稱其標格高入雲霄胸中無一毫芥蒂故
所發皆盎然天趣讀之足消鄙吝則得其實矣
藝苑厄言劉元瑞詩如閩人強作齊語多不辨

田按坦上翁人品高潔居朝日永陵以冰清玉潔目
之可謂知臣莫如君也前後罷官及謝病凡四退歸
皆寓長興之濱南坦嘗與太白山人孫太初龍寬吳
充陸崑施侃結社於蒼溪號蒼溪五隱所著興趣天
然頗似擊壤一派今錄其少矜鍊者性好樓居貧不
能構八十初度文徵仲繪神樓圖贈之兼繫以詩朱
射陂楊升菴相繼有作並錄於此徵仲云倦人漫說
愛樓居咫尺丹青足卷舒坐守黃庭幽閑迴讀殘
詰夜窗虛游心物外疑無地寄迹空中樂有餘一笑
陶于不成倚浮雲奄忽意何如射陂云神樓一何峻
神樓峻而安胡不京洛遊畏彼峽路間峽路崎嶇
險于太行山歌以言志神樓峻而安升菴云安期昔
製神樓散射陂今作神樓曲神樓主人南坦翁欲往
從之恨空谷吾聞仙家五城十二樓樊桐方丈繞瀛
洲長風引舟不可到環中根像空神遊里翁元是神
仙流何年飄然下丹邱天庭摘藻換鸞鶴雲屏立仗
鳴驂驅北斗南宮不肯住挂冠歸來營菟裘聽潮
盡開茗雪紫煙繁帶彩雲夾新波菱榜泛青翰過雨
蘋風爽鳥裕人閑九戩播聲詩天上五龍傳睡法青
李遙看尺牘來雀羅拂掃昏昨開尻輪神馬馳萬里
坐我赤明龍漢臺一氣孔神存中夜手翳華芝海若
託中有真人巾金巾授以靈文老復姤玄珠累累蒼

玉鳴烽沈析閔歌太平豐屋天翔鬼瞰室廟謨何用
談佳兵遊仙夢覺間清嘯載庭情澗連清調願從廣
成順下風肯許壤童窺末照咸池濛汜紛如馳扶起
混沌須神醫他年合遇神樓散約公海上尋安期
留別孫太初

夕燈蛩語上空堂門外芙蓉繫野航高興逐雲先到寺離心
入雁不成行黃花伴客年年雨短髮彫秋夜夜霜歧路無情
人自遠酌中戎馬過重陽

九日

初日輕煙隱薜蘿轉疑詩句在山阿道人不上青峰久黃葉
忽隨霜鬢多獨把菊杯迎物候故偏風帽起高歌川原漸好
能無雨如此重陽一謾過

鷗

城南秋草碧於煙無數白鷗隨我船風帆乍舉驚呼去拍水
過溪相對眠

渡湖

廣文遺韻留樗散雞犬圖書共一船自說江湖不歸事阻風
中酒過年年

劉玉 七首

玉字咸栗萬安人弘治丙辰進士除知輝縣入爲御
史以劾劉瑾繫獄削籍放歸瑾誅起河南僉事歷福
建副使擢大理少卿進右僉都御史提督江防改巡
撫卽陽尋再督江防改理院事以平宸濠功進右副
都御史擢刑部侍郎議大禮忤旨坐李福達獄削籍

隆慶初贈刑部尚書諡端毅有執齋集二十卷

靜志居詩話侍郎詩娟秀絕塵止於喬莊簡似過之
田牧執齋立朝以風節著詩特蘊藉

禽言
二首

不如歸去白日西沈水東注一身出門千萬歧擾擾亡羊何處住不如歸去

惡阿惡阿山石崎嶇山徑惡豺狼奔走斷人行此鳥有情空淚落惡阿惡阿

仙村

路轉俄聞雞犬聲柴扉開處白雲生插花稚女有嬌態倚竹老翁無俗情靈藥雨餘畀自採好峯雲外畫難成沿溪剩有桑麻地擬卜鄰居事耦耕

神女祠

巫山綽約似新粧
江水縈回空斷腸
花落石壇遺廟在
鶴歸郢樹故城荒
更無詞客瞻雲氣
猶有詩人弔夕陽
欲向麻姑問消息
千年誰見海塵揚

花

春半春前春後花
紅花白花黃半吐
半開半落堪憐堪賞堪傷

秋興

秋杜相邀酒甕開
接籬顛倒坐莓苔
黃鶴唱罷我先醉
紫蠅肥時君再來

春遊

雪霽輕雲弄日華
偶乘春興過鄰家
小園桃李猶含凍
狼藉東風苦棟花

張羽 五首

羽字鳳舉泰興人弘治丙辰進士除瀋安知縣擢御史出知保定府改邵武歷河南副使四川參政進河南布政使有東田遺稿二卷

田按東田集選家未有及之者四庫館開兩江督臣錄進余得館中副本其詩專講音節字句不盡入格錄其合作固彬彬乎唐人之雅音也

晚春舟中

風光二月成虛擲
客路三千鎮獨歸
去國漫憐行日遠
到家常恐見花稀
燈深夜舫春蟲入
帆過晴沙宿鷺飛
零落當時

多少事東風江上淚沾衣

次玉岡秋興韻

瀟水烟銷秋日晶關河風色慘邊情
年光暗惜江離晚秋鬢
愁看客鏡明十道羽書聞夕警
五更城角落寒聲季鷹自昔
多幽思不爲鱸魚歎遠征

寄陳別駕汝耀

三山雁使隔年回傳道甘棠樹重培
別駕風流餘簿領郡齋
蕭散到蓬萊榕陰暗處衙聲合
荔子紅時吏捧來獨向樵川
愁病在好音遲子笑顏開

客久夢中代內作

梅蕊先春發山茶寒著花
郎從前日去蚤晚過長沙

里人陳生善歌舊嘗識之十五年後再聞其歌因贈

餘音尙憶小梁州十五年前作漫遊重倚朱欄歌一曲楚天涼月在西樓

黃衷一首

衷字子和南海人弘治丙辰進士授南戶部主事改

北歷員外改南兵部進郎中出知湖州府歷福建轉

運使廣西參政雲南布政使以右副都御史巡撫雲

南改湖廣招工部侍郎改兵部有矩洲集二十卷

靜志居詩話矩洲詩若野練晴飛孤嶼白木綿春試
小枝紅白酒河橋花底社黃螺沙市蠻家見處處短
牆圓薜荔家家生計種扶留鳥際忽聞衡岳寺林端
恰下瀧江船桐木歸來津口渡楊花飛過驛南樓狀
南中風景
歷歷在目

古別離

惻惻復惻惻送君遠行役攜手出潼關何時渡沙磧沙磧路
綿綿胡塵晝暗天莫辭頻勸酒動是幾經年經年嗟馳騫虜
地無芳樹野曠似連雲雲深日如暮日暮氣轉寒長驅襲可
汗壯夫多遠思龍劍莫輕看

熊卓四首

卓字士選豐城人弘治丙辰進士授平湖知縣入爲

御史以忤劉瑾罷歸有熊御史詩選

空同集余收輯士選詩得六十篇皆精細言華
藝苑厄言熊士選詩如寒蟬乍鳴疏林早秋非不清
楚恨乏深致
田按士選詩不耐多吟不如錄蕭寥短篇令人涉想

送客南還

遙望城南道青青草色新春風生錦棹時送楚江人

送人赴道州任

月照河臺酒離情那可消衡陽飛雁盡君去更迢迢

有懷

展卷春日遲輕陰閉香閣舊雨人不來烏啼閒花落

書獻吉扇面

遊人歸欲盡流水去何已高談轉忘情山靑雲靡靡

朱諫二首

諫字君佐樂清人弘治丙辰進士官贛州知府改吉

安有蕩南集

田按君佐家近雁山故集名蕩南頗好事嘗修雁山志四卷詩亦不俗

憶靈巖

曾到靈巖寺斜陽帶晚鴉山童掃僧舍茗椀對殘花拄杖看
危石移尊就淺沙題詩轉相憶惆悵惜年華

寄孫南江僉憲

再到山中訪紫霞紺園衰草夕陽斜舊時僧鶴歸何處獨立
溪橋數落花

黃相一首

相字弼甫莆田人弘治丙辰進士官九江知府有一
溪集

謁岳武穆廟

古廟沈沈掩夕曛西連孤壘結愁雲金牌卒陷和戎計鐵騎

空同少保軍萬里繼興終北狩百年基業遂中分乾坤遺恨
依然在散作秋濤不忍聞

用按唐士綱有謁岳廟詩一坏寬士
千年血五國荒城萬里心亦警句也

唐錦一首

錦字士綱上海人弘治丙辰進士授東明知縣擢兵
科給事中以忤劉瑾謫深州知州瑾誅遷南工部主
事歷南刑部郎中出爲江西提學副使有龍江集十

二卷

賞梅

劇愛幽芳盡日看凍雲烘透粉痕乾吟邊風勁愁聞角喚處
香清自倚闌澹拂湘簾橫月影薄裁吳苾護春寒含情莫怨

相知晚欲補離騷下筆難

郭東山 二首

東山字魯瞻掖人弘治丙辰進士官四川參政有石

崖集

王士祿憐音集參政詩如披薪刈楚叢雜之中不乏菁秀五言如哭誠之云劍外情偏割猿邊淚有餘送王侍御巡蜀還朝云停驂劍閣曉迴雁少城春七言如甯武關云古堞寒雲嚴晚戍空壕疏雨散昏鴉次見素韻云山迂鳥道連三蜀棧入雞頭轉七盤並可誦

雁門關

關城風色日颼颼廣武新軍玉壘頭百晦石田山下業數聲
羌笛戍邊樓枯沙遠燒憐春望白草黃雲結暮愁珍重北門
誰管鑰同中獵騎未全收

晚赴納溪

急檣鳴灘赴納溪牛羊下處亂鳥啼水田石路壠江上何日
看山獨杖藜

黎鳳一首

鳳字乾兆新喻人弘治丙辰進士官監察御史

守素園

綠槐門巷白蘋洲吟過春光醉過秋到眼風花渾是夢置身
邱壑更何求水流須信石不轉山靜任教雲自浮君看萬松
枝上鶴一巢從此占清修

范兆祥一首

兆祥字延和豐城人弘治丙辰進士改庶吉士授檢

討以言事下錦衣獄出爲涇府長史復以事逮詔獄

謫戍永州尋放歸有半松遺稿

田按延和七歲作登堯山詩稱神童以敢言兩下獄其送人詩有云入世無官好沿江有淚揮亦可悲矣

分甯道中

寒水澗頭花亂開燕子石下波縈迴獨鞭瘦馬截流去鶴鳥

一聲山雨來

龍覓一首

覓字致仁南京牧馬千戶所籍本宜春人處士瑄子

弘治丙辰進士官浙江按察僉事

金陵詩徵致仁罷官後入苕溪社與劉南坦吳甘泉陸玉厓孫太初爲五隱

姑蘇道中

又從書劍去旅夢落金閨野鶴巢難定春蠶繭自忙空江鳴
急瀨高樹隱斜陽歸計何時決移文動草堂

楊禪一首

禪字介福武陵人弘治丙辰進士選庶吉士歷禮兵
刑三科給事中以忤劉瑾致仕瑾敗起吏科都給事
中歷右通政進南太僕卿

桃川

平川臨古邑野舫隔煙岑人代有秦晉風光無古今吟餘嘯
鳥寂坐久落花深蓬鬢俄成雪支筇且漫吟

陳洪謨一首

洪謨字宗禹武陵人弘治丙辰進士授刑部主事出

爲漳州知府歷雲南按察使以右副都御史巡撫江
西入爲兵部侍郎贈兵部尙書有靜芳亭摘稿八卷

登九江希庾樓

新樓極虛敞竹樹環陰森何意塵囂中有景如山林昔人盛
風致遺蹟依孤岑我來坐移晷泠然風滿襟

羅鳳一首

鳳字子文一字汝文吉安泰和人南京水軍右衛籍
弘治丙辰進士除興化推官遷南監察御史出爲宛
州知府改鎮遠再改石阡有簡齋家藏集十卷

田按子文守袁州武宗南巡自車馬糗糒之外一無
所供監司問以佃遊之備近幸之餉曰非守所宜職
以不勝繁劇改簡爲吾縣鎮遠知府再忤御史改石
阡請老自號簡翁博雅好古蓄法書名畫金石遺刻

多至千卷所居在天印山下又自號印岡顧東橋贈
詩云道人築室天印下邱壑重重到茅舍謝墅花驕
羅綺春秦淮舟泛星河夜紀其事也家藏集
僅有鈔本流傳甚少故選家多不之及也

重遊南山

天涯莽莽寄行蹤興在溪雲水月中簿領不妨遊半日杖藜
今又繼諸公機心誰辨問蕉鹿歧路直堪擬雪鴻俯仰悠然
成一笑南山秋色浩無窮